



Broj: 05/1-50-15-26-29-3/23

Sarajevo, 5. 9. 2023.

ZAPISNIK

29. sjednice Nezavisnog odbora Parlamentarne skupštine BiH

Sjednica je održana 5. 9. 2023, s početkom u 17.15 sati.

Sjednicu je sazvao Enes Obraliya, predsjednik Nezavisnog odbora.

PRISUTNI ČLANOVI NEZAVISNOG ODBORA: Enes Obraliya, predsjednik Nezavisnog odbora, Miše Ćavar, prvi zamjenik predsjednika Nezavisnog odbora, Uroš Pena, drugi zamjenik predsjednika Nezavisnog odbora, Enes Bezdrob, Muhamed Mujakić, Mate Miletić, Nikola Džambas, Darko Kremenović i Milan Stanić, članovi Nezavisnog odbora.

OSTALI PRISUTNI: Ivana Lovrić, koja obavlja poslove sekretara Nezavisnog odbora.

Sjednici su prisustvovali i Enes Karić, direktor Direkcije za koordinaciju policijskih tijela BiH, Đuro Knežević i Goran Amidžić, zamjenici direktora Direkcije za koordinaciju policijskih tijela BiH.

Sjednicu su pratili Dijana Stevanović, predstavica Delegacije Evropske unije u Bosni i Hercegovini, te Almira Bešlija iz Sektora za odnose s javnošću Sekretarijata Parlamentarne skupštine BiH.

Sjednicom je predsjedavao predsjednik Nezavisnog odbora Enes Obraliya.

Konstatirajući da postoji kvorum, otvorio je 29. sjednicu Nezavisnog odbora Parlamentarne skupštine BiH.

Nezavisni odbor jednoglasno je usvojio sljedeći

DNEVNI RED

1. Usvajanje Zapisnika 28. sjednice Nezavisnog odbora;
2. Razgovor s rukovodstvom Direkcije za koordinaciju policijskih tijela BiH s ciljem sagledavanja njihovog rada;
3. Tekuća pitanja:
 - a) Dopis Centra za sigurnosne studije BiH, broj: 01,02,03-50-18-1845/23 od 23.8.2023;
 - b) Ostalo.

Ad. 1. Usvajanje Zapisnika 28. sjednice Nezavisnog odbora

U raspravi o ovoj tački dnevnog reda za riječ se javio Muhamed Mujakić, član Nezavisnog odbora, koji je istakao da u Zapisniku 28. sjednice, a pod tačkom 3. dnevnog reda 'Razgovor s rukovodstvom Granične policije BiH' nije navedeno sve ono što je on u svom izlaganju istakao sa zahtjevom da se to ubaci. Nakon rasprave, u kojoj je učestvovala većina članova Nezavisnog odbora, predsjednik Nezavisnog odbora predložio je da se usvajanje Zapisnika 28. sjednice odgodi za narednu sjednicu te taj prijedlog stavio na glasanje. S četiri glasa "za", četiri glasa "protiv" i jednim glasom "suzdržan", prijedlog nije usvojen. Nakon toga, predsjednik Nezavisnog odbora Enes Obralija stavio je na glasanje Prijedlog zapisnika 28. sjednice koji je dostavljen uz poziv za sjednicu. Sa sedam glasova "za" i dva glasa "protiv", usvojen je Zapisnik 28. sjednice Nezavisnog odbora.

Ad. 2. Razgovor s rukovodstvom Direkcije za koordinaciju policijskih tijela BiH s ciljem sagledavanja njihovog rada

U uvodu u ovu tačku dnevnog reda predsjednik Nezavisnog odbora Enes Obralija istakao je da su na sjednicu Nezavisnog odbora, a u skladu s Planom rada Nezavisnog odbora za 2023. godinu, pozvani i prisustvuju joj: Enes Karić, direktor Direkcije za koordinaciju policijskih tijela BiH, te Đuro Knežević i Goran Amidžić, zamjenici direktora Direkcije za koordinaciju policijskih tijela BiH, a kako bi s članovima Nezavisnog odbora razgovarali o trenutnom stanju u Direkciji za koordinaciju policijskih tijela BiH, realiziranim aktivnostima, kao i o aktivnostima planiranim za naredni period, te otvorio raspravu. U raspravi o ovoj tački dnevnog

reda i razgovoru članova Nezavisnog odbora s direktorom i zamjenicima direktora Direkcije za koordinaciju policijskih tijela BiH učestvovala je većina članova Nezavisnog odbora.

Razgovarali su o trenutnom stanju u Direkciji za koordinaciju policijskih tijela BiH, aktivnostima koje su provodili i koje imaju namjeru provoditi u narednom periodu, kadrovskoj popunjenosti, unapređenju, odnosno činovanju policijskih službenika, o izradi novog pravilnika o unutrašnjoj organizaciji i sistematizaciji radnih mjesta, izmjeni Odluke o osobama i objektima koji se štite, o novom Zakonu o policijskim službenicima BiH koji bi predviđao eksterni premještaj policijskih službenika unutar policijskih agencija na nivou BiH, o problemu trajnog smještaja Direkcije za koordinaciju policijskih tijela BiH, o edukacijama i obukama koje prolaze policijski službenici, saradnji s EUROPOL-om, saradnji s drugim policijskim agencijama u BiH, saradnji sa Službom za poslove sa strancima kojima trenutno na osnovu potpisanog Sporazuma pomažu s određenim brojem policijskih službenika u osiguranju četiri migranska kampa.

Na upit člana Nezavisnog odbora Muhameda Mujakića, a vezano za nacionalnu strukturu zaposlenih u Direkciji za koordinaciju policijskih tijela BiH, da li se vodi računa o tome prilikom zapošljavanja, kako policijskih službenika tako i mlađih inspektora, viših inspektora, inspektora, samostalnih inspektora, glavnih inspektora, da tu ne dođe do nekog disbalansa, direktor je iznio sljedeće podatke:

- na dan 5. 9. 2023. u skladu s popisom stanovništva iz 1991. u Direkciji za koordinaciju policijskih tijela BiH je

Ukupno zaposlenih 885 Bošnjaka 466 (53,25%) Hrvata 142 (16,22%) Srba 260 (29,71%) Ostalih 7 (0,8%)

Policijski službenici – ukupno Bošnjaka 424 Hrvata 130 Srba 220 Ostalih 4

Glavni inspektor Bošnjaka 3 Hrvata 0 Srba 4 Ostalih 0

Samostalni inspektor Bošnjaka 10 Hrvata 4 Srba 7 Ostalih 0

Viši inspektor Bošnjaka 7 Hrvata 2 Srba 4 Ostalih 0

Inspektor Bošnjaka 14 Hrvata 5 Srba 9 Ostalih 1

Mlađi inspektor Bošnjaka 1 Hrvata 1 Srba 0 Ostalih 0

Starijih narednika Bošnjaka 17 Hrvata 5 Srba 2 Ostalih 0

Narednika Bošnjaka 19 Hrvata 6 Srba 12 Ostalih 0

Starijih policajaca Bošnjaka 138 Hrvata 29 Srba 72 Ostalih 1

Policajaca Bošnjaka 214 Hrvata 77 Srba 109 Ostalih 3

Također, Muhamed Mujakić, član Nezavisnog odbora, iznio je konstataciju, odnosno ideju, kada je u pitanju školovanje kadrova na nivou BiH, da se možda, ako je kapacitet ograničen, a što je kao problem prethodno istakao direktor, razmisli o partnerstvu s entitetskim policijskim akademijama, da se možda jedna klasa jedne agencije dodijeli drugoj entitetskoj akademiji. Dao je i punu podršku direktoru po pitanju eksternog premještanja policijskih službenika unutar policijskih agencija na nivou BiH kada se za tim ukaže potreba.

Ad. 4. Tekuća pitanja

- a) Dopis Centra za sigurnosne studije BiH, broj: 01,02,03-50-18-1845/23 od 23.8.2023.

U okviru ove tačke dnevnog reda predsjednik Nezavisnog odbora Enes Obralića istakao je da je stigao dopis Centra za sigurnosne studije BiH s molbom za podršku u organizaciji i realizaciji treninga o inkluzivnom nadzoru nad sektorom sigurnosti u okviru projekta BIHOS a koji se planira održati u Sarajevu od 27. do 29. septembra 2023, te otvorio raspravu. Nakon rasprave jednoglasno je donesen zaključak da najavljenom događaju u ime Nezavisnog odbora prisustvuje Muhamed Mujakić, član Nezavisnog odbora, o čemu će Centar za sigurnosne studije BiH biti obavješten.

Predsjednik Nezavisnog odbora Enes Obralića zaključio je sjednicu u 19.15 sati.

SEKRETARKA
NEZAVISNOG ODBORA

Ivana Lovrić

PREDSJEDNIK
NEZAVISNOG ODBORA

Enes Obralića